

西湖志

地 727.24

43.83

73123

部 = 15

第十五册

卷三十五


藝文五

卷三十六

藝文六

卷三十七

藝文七



西湖志卷之三十五

藝文五

詩 五言律

舟次武林寄天竺僧無晝

唐許渾

谿長山幾重十里萬株松
秋日下丹檻暮雲歸碧峰
樹棲新放鶴潭隱舊降龍
還在孤舟宿卧聞初夜鐘

夏日登靈隱寺後峰

唐方干

絕頂無煩暑登臨三伏中
深蘿難透日喬木更含風
山疊雲霞際川傾世界東
那知茲夕興不與古人同

西湖志

卷三十五

藝文五

一

浙江觀潮

唐朱慶餘

不知來遠近但見白峨峨
風雨驅寒玉魚龍迸上波
聲長勢未盡曉去夕還過
要路橫天塹其如造化何

上湖閒泛艤舟石函因過下湖小墅

宋林逋

平臯望不極雲樹遠依依
及向扁舟泊還尋下瀨歸
青山連石埭春水入柴扉
多謝提壺鳥留人到落暉

西湖舟中值雪

宋林逋

浩蕩彌空闊霏霏接水瀆
舟移忽自却山近未全分
凍

軫閒清泛溫鑪擁薄薰悠然咏招隱何許欵離羣

北山寫望

宋林逋

晚來山北景圖畫亦應非村路飄黃葉人家濕翠微
樵當雲外見僧向水邊歸一曲誰橫笛蒹葭白鳥飛

寄西湖林處士

宋范仲淹

蕭索遶家雲清歌獨隱淪巢由不願仕堯舜豈遺人一
水無涯靜羣峰滿眼春何當伴閑逸嘗酒過比鄰

西湖筵上贈胡侍郎

宋范仲淹

官秩文昌貴功名信史褒朝廷三老重鄉黨二疏高勲

西湖志

卷五

藝文五

二

業盡圖籍子孫皆俊髦西湖天下絕今日盛遊遨

西湖泛舟

宋梅堯臣

水消湖已深渺渺鴨頭春草學吳兒刺吟希楚老新對
山憐去鳥隔樹識遊人誰念滄江上風柔採白蘋

西湖閑望

宋梅堯臣

夏景已多趣湖邊日更嘉園葵雜紅紫岸柳自歌斜雨
氣收林表城陰接水涯愛閑輸白鳥盡日立汀沙

同諸韓及孫曼叔遊西湖

宋梅堯臣

晚日城頭落輕鞍果下涼野蜂銜水沫舟子剥菱黃木

老識秋氣徑幽聞草香幅巾聊自檢不作楚人狂
爍電未成雨涼風先入衣青天忽開影紅日尚餘暉
蝶作團起蜻蜓相對飛謔嘲不覺夕跨馬月中歸

步西湖次韻徐南卿

宋 陳 造

載酒尋幽地乘閒得再臨鸚黃啼曉霽魏紫笑春深
撫事揮犀管他時夢鶴林心期更闕寂物理付升沉
楊園騫絕嶺萬象赴窺臨坐久嵐霏潤來時翠碧深
鶯花自佳處魚鼓亦叢林誰在飛塵外芸芸付陸沉
山寺曾題竹尋詩記所臨緣雲俯空曠捫石探幽深
倦

西湖志

卷三五

藝文五

三

鳥低平野薦花下碧林沙頭催喚渡空水遠沉沉

水月

園名

春猶淺提壺記此臨雲煙淡閑寂魚鳥媚清深

堤路俄人海侯家或肉林高樓下金彈簾影渺深沉

西湖千頃畫政用好詩臨鑒揭霧鮮駁屏紆雲淺深
鈿車隨寶馬紅舫度青林歸去開囊錦君先炷水沉

三月二日遊西湖諸公有詩次韻

宋

周紫芝

水繞青山寺人攜白玉觴晴春方爛漫醉眼自微茫
舟穩欺風軟杯深送日長誰家載歌管紅袖立斜陽

次韻馮員仲正字湖上有作

宋

王十朋

甌蜀異鄉客西湖同日看浪花隨去棹風絮逐歸鞍水
浸吳天闊山涵佛界寬春光無限好共愧得微官

憶西湖

宋 高 翥

西湖春二月結客少年遊駿馬黃金勒長身紫綺裘愛
花論擔買嗜酒滿船浮兩載緣何事台州又越州

湖邨晚興

宋 葛天民

殘霞伴孤鷺遠樹雜斜暉秋向詩中出人從畫裏歸柳
塘雙槳急茆舍一燈微小艇穿籬入蒲蓬正擁扉

湖上夜歸

宋 葛天民

西湖志

卷五

藝文五

四

陌上紅塵歇湖中翠靄生定鐘山寺迴新月夜船清蛙
亂鳴方急鷗閒睡不驚兒曹知我到認得打門聲

秋日西湖閒泛

宋 葛天民

雨洗千峰曉波涵萬境秋菱花開古鏡蓮葉渡輕舟思
遠人誰識身閒世不收望中時得句倚櫂雜吳謳

清明前四日泛湖

宋 葛天民

繞岸堆青嶂遊船滿綠波樓臺臨水近楊柳占春多老
去誰同調尊前且放歌韶華能幾日隨棹已新荷

西湖

宋 葉紹翁

何處春晴好西湖元巳朝馬嘶堤上路船過柳陰橋敲
竹雀聲起弄泉花影搖坐看遊客盡煙水思迢迢

湖上

宋戴復古

久住人情熟湖邊酒可賒來時飛柳絮今日見梅花十
載身為客幾封書到家斜陽照林屋獨立數棲鴉

湖蕩

宋朱繼芳

雙橈入天影野葑綠全交魚唼垂絲柳鷗眠折葉菱行
人沿岸曲落日挂林梢歸去嚴城隔僧門尚可敲

寄西湖友人

宋林尚仁

西湖志

卷三五

藝文五

五

湖邊春更好別後費吟思載酒曾遊處憶君同醉時面
風花落易昔日雪消遲早晚攜琴去山中與鶴期

西湖獨步

宋沈悅

平湖開霽色寒碧照空心小立背橋影緩行隨柳陰幾
年勞遠夢到日記曾吟荷蕩成菱地蕭蕭秋意深

春晚湖上

宋俞桂

花事已成休都人懶出遊水添煙浪闊山帶夕陽愁柳
樹鳴黃鳥沙堤卧白鷗不辭歸路遠何必買扁舟

春晴泛湖

宋薛嵎

平湖新漲綠沙甯淨涵波芳草思無際春風情最多移
舟動山影止樂聽漁歌得意惟鴻鵠高飛避網羅

湖亭席上

宋 武衍

寒食梨花月新晴楊柳風愁融山色裡興極酒杯中綠
髮日夜變青春今古同忍教行樂處容易夕陽紅

雪晴泛湖

宋 胡仲參

雪後湖清淺令人心眼開林疎知寺近冰合碍舟回寒
色欺吟髻斜陽入酒杯山行已清絕况復是尋梅

晚涼湖邊放步

宋 陳鑒之

西湖志

卷三

藝文五

六

暑氣湖山薄晚風巾袂涼蟬鳴便柳蔭鷺立領荷香大
舸鼓聲急小軒茶味長獨遊原更妙細細踏斜陽

湖上

宋 陳允平

流水斷橋邊笙歌擁畫船日酣花半醉春困柳三眠策
杖登雲洞觀魚上玉泉鳳城歸去晚山鎖萬重煙

同杜北山鄭渭濱湖邊小憇

宋 徐集孫

與朋看落葉捨棹踏湖西野店傳杯酌殘陽索品題雲
隨波影動山被柳陰迷一點寒鴉過知他何處棲

和訪使徐容齋西湖韻

宋 何夢桂

一幅西湖畫誰將淡墨揮水浮孤嶼出山約五雲飛雨
洞猿歸濕煙林鳥度微龍舟雙翠檝曾此夜遊歸

春日同友人遊湖上

宋 釋斯植

十里湖邊路垂楊映馬蹄水光平野闊山影繞樓低夜
雨生青草春風濕紫泥興來無限意同此片時題

湖上新居

元 鮮于樞

吾愛吾廬好臨池構小亭無人致青李有客覓黃庭樹
古蟲書葉莎平鳥篆汀悅生堪自樂詎肯苦勞形

伊昔四首

元 于石

西湖志

卷三五 藝文五

七

伊昔西湖柳清陰滿畫樓午涼歌舞扇晚雨繫漁舟春
盡花無主風寒葉自秋六橋今在否空憶舊時遊

伊昔西湖上孤山幾樹梅斷籬深院落流水舊亭臺明
月無今古清風自去來逋仙不復作消瘦為誰開

伊昔西湖裏娉婷十里蓮香凝花上露影落鏡中天枕
簟水亭雨笙歌月夜船雙鴛不解事常傍翠陰眠

伊昔西湖外清陰九里松天低深雨露風怒走蛟龍林
靄通樵徑山雲隔寺鐘何時一行樂重到北高峰

曉出錢塘門

元 成廷珪

出門聊適意草樹碧紛紛一雨破清曉四山生白雲僧樓緣嶺出樵徑過橋分明日重攜酒來澆和靖墳

九日與呂彥孚陸孔昭袁鵬舉乘風雨泛湖有期而不至者得滿朱二字

元 錢惟善

九日雨淒其西風吹不斷空懷戲馬臺無復商飈館湖闊浪花明林昏煙樹短紅船大於屋坐客不能滿時序多風雨雲林總畫圖翠屏低晚嶂黑米長秋葫未遂羣賢集那能四美俱扁舟載西子惟願學陶朱

湖居

元 錢惟善

西湖志

卷五 藝文五

八

負郭輪蹄遠殘春櫻筍佳湖天翻白浪山日黯黃霾夢蝶烏皮几觀魚畫舫齋何人契幽賞高致到無懷

泛湖

元 俞德鄰

閑居散人事一舸泛長湖夜雨半篙荇春風十幅蒲功名槐國夢身世輞川圖艤岸逢林叟清談日又晡

月上人還西湖

元 宋 无

南峰歸度夏舊業在烟霏半夜聞清磬一燈明翠微雲蘿尋寺遠猿狖見人稀想到經行處天花繞錫飛

湖邊春思

元 馬 臻

西林花雨霽春氣欲飛浮船過吹簫客旗標賣酒樓暖
煙鶯自在遲日蝶風流正是桑麻處支笻認舊遊

西湖晚思

元馬臻

日落湖水黑衆山生遠塵船回載酒客樓倚獨吟人老
態多思舊時情只貴新籬邊古梅樹開謝幾年春

湖樓夜坐

元馬臻

孤樓侵樹小老雁入雲迷月暗水光白夜深鄰語低鐘
聲傳下竺梅信共西溪偶憶曾遊寺塵昏壁上題

西湖小隱

明烏斯道

西湖志

卷五

藝文五

九

勝景金池耳高人玉樹然柳塘披鶴氅山崦出漁船梅
吐尊前月松蟠鏡裏天興來彈淥水賞識有逋仙

送僧恬歸靈隱

明高啓

遊方應未久柳色變新年在路逢春雪還山訪冷泉鐘
催投寺錫燈照泊江船去意休多問無言即是禪

西湖和黃夏初韻

明高得暘

佳趣誰全得閑情自軼羣買舟聽夜雨立馬看春雲酒
伴期相共詩題得屢分西湖天下景坡句昔曾聞

約人遊湖

明高得暘

明日湖中去先期問畫船分醪開臘殘
裹茗試春泉知已能胥會同心喜就延段家橋畔柳拂曙看鶯遷

西湖

明 聶大年

西出江城外煙霞隔世塵鐘聲三竺曉花氣六橋春雞犬桃源地笙歌閭苑人平時得遊賞忘却宦中身

別西湖

明 趙寬

補外得佳麗西湖天下聞官衙兼吏隱煙景異朝曛行遶六橋水卧看三竺雲素心方自適何事復離羣

西湖

明 孫一元

西湖志

卷五

藝文五

十

十里山如拭西湖背郭流僧歸虹外雨雲抱水邊樓春事多逢醉歌聲半是愁獨憐垂釣者吾欲共滄洲

西溪步歸

明 張適

溪南山曲折舍北水西東樵唱千邨雨漁歌五兩風犬僧移竹叟鶴避掃花童彷彿吾家近茅堂碧樹中

湖上晚歸

明 龔用卿

十里菰蒲水連阡桑柘園湖天平石境漁火出山門宋蹟遺僧舍蘇堤接遠邨飛星斜過水立馬已黃昏

湖上春行

明 田汝成

滿目展韶華行遊處處嘉野橋春澗水古寺曉園花柳
浦歌船集煙邨酒旆斜三堤紛若市爭看玉人車

湖上

明錢薇

野眺晴偏好湖光景乍新棹移波蕩漾山迴石嶙峋樹
色千章秀笙歌百疊陳芙蓉行自采秋水若爲神

西湖

明張翀

湖光清鏡出山色翠屏開人傍青松飲舟搖落葉來苔
封和靖墓雲暗鄂王臺今古多情思乾坤一酒杯

湖上

明李奎

西湖志

卷三五 藝文五

十一

錦障開桃岸蘭橈繫柳津鳥歌如勸酒花笑欲留人鐘
磬千山夕樓臺十里春回看香霧裏羅綺六橋新

湖上

明沈明臣

湖上宜高卧天寒日出遲墻餘霜白草門閉雪殘枝鄰
杵空中得漁歌枕上知夢寃清似水真許濯天池

湖上春詞

明李日華

曉望綠煙濃疎疎間淺紅湖邊春色滿陌上冶遊逢白
馬金絲絡黃鶯翠羽籠歸來日將午花影正重重

湖上

明于慎行

黯淡平湖色令人思杳然斷橋橫落日遠水隔寒煙鳥
傍平隄去鷗依折葦眠吾家在湖曲閑殺采菱船

湖上

明 朱國祚

峰頭寶所墻湖上水仙王芳草年年綠風荷岸岸香
鞦韆拚細雨對酒易斜陽不計重門遠瓜皮上小航

三竺道中

明 邵 寶

人行松徑靜數里不知遙路轉還逢寺僧迎只過橋巖
姿收獨妙泉響息羣囂東去頻回首山花似我邀

同李長蘅尋聞子將龍井山齋

明 譚元春

西湖志

卷三五

藝文五

十一

楓色紅難已黃從翠處分偶然亂葉下風雨似同聞谷
鳥臨寒路籬花開遠雲逢幽隨處憇心眼自氤氳

秋夕泛湖

明 黃汝亨

遠波蕩空碧不復似人間忽爾來孤鶩澄然見衆山浩
歌秋澹澹輟棹月閒閒頓與塵纓遠夷猶不忍還

春日泛湖

明 沈 仕

綠堰埋豐草紅橋跨淺沙瀆魚潛亂藻聚鳥啄殘花水
影明如月山光秀若霞扁舟任飄泊何異掛星槎

泛西湖同清照彥叔觀公

明 吳鼎芳

新語報黃鸝，捎花坐柳枝。山晴意自好，湖晚醉相宜。風起水香處，月來煙滅時。同舟貪夜寂，移傍白公堤。

西湖夜汎

明 吳鼎芳

疎雨洗空翠，來看湖上山。斷橋芳柳外，小艇白鷗閒。月在美人遠，春忙流水閒。西陵猶喚酒，燈影出花關。

西湖曉起

明 吳鼎芳

殘鐘湖上月，杳杳落層岑。曉色散爲水，秋聲聚作林。閒來曾不慣，幽處每相尋。叢桂南山下，晴香一逕深。

西湖春遊詞七首

明 吳 兆

西湖志

卷三五

藝文五

三

堤暖百花齊，湖春萬柳低。管絃初沸日，羅綺已空闈。上巳連寒食，車輪間馬蹄。遊人爭向處，多在斷橋西。

湖水碧粼粼，還疑洧與溱。褰裳臨翠渚，踏草及芳辰。合岸花薰暖，雙堤柳夾春。今年風景好，直爲遠遊人。

橋外即當壚，樓陰碧樹扶。水筵移岸酌，越女唱吳歎。一徑穿孤嶼，重光帶兩湖。匝波舟楫動，處處起鷗鳧。

越女善拏舟，吳姬解擢謳。尊低芳草下，人擁古堤頭。香醞尋仙客，靈峰問梵流。花時無遠近，分日出城遊。

晴光上柳條，絲伴戲花朝。歌近舟沿岸，人閒馬度橋。雷

峰看塢迴葛嶺弄泉遙日暮人爭入衣香滿路飄
新堤楊柳斜遊冶肯還家珠彈光流月春衣色勝花幕
遮芳草路騎並美人車何處菱歌起仍憐似若耶
遊路背湖分林陬復水瀆年傳秦代石人拜宋時墳塔
影雙峰見松聲九里聞不知天竺近香氣藹成雲

十五夜西湖舟中玩月

明魏璧

吾愛湖中月攬之清若空分明青嶂裏獨照白頭翁碧
浪搖鴉鵲金笳起塞鴻蟾蜍真可戀莫畏曉來風

湖上遇僧

明郭子直

西湖志

卷三五

藝文五

十四

桃柳西湖路扁舟細雨前煙雲多變幻山水自澄鮮出
谷非逋客逢僧即勝緣風塵十年夢回首意蕭然

西湖行樂詞

明蕭譽

翠蓋連雲麗香車夾路妍賣花春不斷攜酒月忘還四
百前朝寺三千錦纜船湖山多樂事簫鼓自年年

西湖

明釋欽義

三竺忻私託西湖自往還肆情方水澹尋石愛雲閒春
氣調疎柳晴光抹遠山老來形漸懶未肯廢躋攀

湖上諸寺重遊

明釋德祥

西湖三百寺今日復來遊滿路皆黃葉諸僧盡白頭水
雲情渺渺鐘鼓夢悠悠獨有南屏下樓臺壯一洲

國朝

過南屏訪無生上人

吳偉業

謂此一公住偶來聞午鐘山容叅雪嶠佛火隱雷
峰路細因留竹雲深好護松精廬人不到相對話
南宗

西湖

謝宗泰

十里山如拭湖光日夜浮瓊樓飛彩燕錦浪點輕

西湖志

卷五

藝文五

五

鷗酒醉千家月人消半日愁明朝歌舞地猶復載
虛舟

月出千峰白雲藏衆壑青鳥啼山習靜龍定夜聞
經舞影迴歌扇杯光入畫屏塵纓一為洗能得幾
時醒

湖上

宋 琬

山色南屏好空濛半有無曲塘容舴艋衰柳卧鶉
鷄雲起千峰亂天晴一塔孤興來思遠眺羌笛滿

西湖

登南屏山頂望西湖

陸光旭

放眼秋山碧蒼煙島嶼紛魚歸寒浦月僧渡夕陽
雲小閣黃柑醉輕歌白苧聞尋幽饒健力忍與翠
微分

湖上秋懷

施閏章

住爲中秋月連朝聽雨聲寒侵高枕濕日擁亂峰
平遠寺幾時到斷橋惟獨行南屏桂花發搖落正
關情

雪後至湖上

陸嘉淑

西湖志

卷五

藝文五

六

緩策凌晨去湖光照眼明雲連山色起風約水煙
輕斷靄微零雨新陰屢變晴段橋漁艇出真足寄
浮生

西湖

吳沐

春日草萋萋湖邊燕掠泥閣高紅杏小橋斷綠楊
低細浪吹魚沫輕風送馬蹄興闌重回首煙月滿
湖西

曉泛湖上經小新堤

丁文策

湖上新晴好臨流曉放船兩峰開遠嶂一水浸遙

天風滴花間露人衝柳外煙珠簾猶未捲春去尚
高眠

西湖

丁文策

久擅東南美芳郊足勝遊衆山青似曉一水碧於
秋柳岸鶯啼席花隄月繫舟從來歌舞地何處覓

滄洲

春暮泛西湖

朱綱

岸柳拖新綠湖波漾曉晴山從雲外合舟向鏡中
行密樹藏僧塢輕煙繞郡城傍人指古跡到處欲

西湖志

卷三五

藝文五

七

題名

上巳後三日顧孝廉

之珽

招同諸公泛舟西湖即

事分韻得交字

朱彝尊

獨擢花陰入重湖柳色交斷橋亭蓋瓦曲院水通
坳楚雀簧猶澀江蓮葉尚包

宸遊留翠墨車馬溢春郊

晚入北山

沈禹吉

捨棹入林樾涼風吹客衣蟲吟暮山靜月黑野螢
飛一徑松篁暗數家燈火微前山聞犬吠稚子啓

柴扉

西湖秋興

毛先舒

我載西湖酒乘舟弄月華道逢滄海客邀我御雲
車且作九秋別遙追八月槎驚情與鳳思處處寫
煙霞

七月望夜湖上有懷

釋上緒

良宵安可寐秋月此初圓寥寂山中客淒清雨後
天放舟孤嶼側聞曲斷橋邊不禁懷人意空波坐
渺然

西湖志

卷五

藝文五

六

詩 五言排律

早春西湖閑遊悵然興懷憶與微之同賞因思在
越官重事殷鏡湖之遊或恐未暇偶成十八韻

寄微之

唐白居易

上馬復呼賓湖邊景氣新管絃三數事騎從十餘人立
換登山屐行攜漉酒巾逢花看當伎遇草坐為茵西日
籠黃柳東風蕩白蘋小橋裝雁齒輕浪斲魚鱗畫舫牽
徐轉銀船酌漫巡野情遺世累醉態任天真彼此年將
老平生分最親高天從所願遠地得為鄰雲樹分三驛

煙波限一津翻嗟寸步隔那厭尺書頻浙右稱雄鎮山
陰委重臣貴垂長紫綬榮駕大朱輪出動刀槍隊歸生
道路塵雁驚弓易散鷗怕鼓難馴百吏瞻相面千夫捧
擁身自然閑興少應負鏡湖春

湖光

為劉慶遠作也

宋姜特立

湖水浸坤軸湖光混太清風來縠紋起夜靜鏡奩平初
訝琉璃軟還疑組練橫微茫連澤國潑灩感寒汀破碎
翻千月泓澄印萬星雨餘添點綴日射鬪晶熒橋影虹
垂澗松陰幕覆亭魚跳全薦玉山卧半沉青小泛依吳
平時好濯纓吟哦萬景集未足稱詩情

西湖志

卷三五

藝文五

九

中秋日舉西湖社

明馮夢禎

佳辰正秋半此地集蘭交冠蓋添新侶湖山次近郊主
人扶大雅餘子足前茅莒國難辭賦尸人亦代庖才情
終避舍臭味或投膠史定占星聚元從解客嘲命舟依
月渚改席指雲巢綠借湖為釀香分桂作肴鷗鳧眇沙
際星斗雜林梢從此多良集詩筒處處捎

西湖夏泛同方丈

明程誥

小徑縈山曲危城壓水雄岸迴空騎盡湖泛一舟同進
槳荷香破鈎蓮浦望通暑消青荇雨涼起白蘋風狂客
捫瑤瑟佳人勸碧筩百壺猶送酒留醉月明中

國朝

西湖讌集二十韻

陸世楷

海內同文日湖濱肇會年盍簪皆勝侶載筆有新
篇今序春王始雄風大國先雞壇推執耳燕社共
隨肩門第東南盛英才吳會偏敦槃修舊典冠劍
跂羣賢德里荀陳聚仙舟李郭聯楊裘神弈弈結

西湖志

卷三五

藝文五

二十

駟望翩翩入座紛如玉揮毫健似椽驚人詩思艷
擲地賦聲淵朱履空瑤席芳樽接綺筵問梅孤嶼
側待月六橋邊雪後松篁翠春來桃李妍風流誇
主客清淑羨山川絲竹何須奏瓊瑤自可鐫高人
仍阜帽名士但青氈虛室披蘭簿荒帷理研田敢
辭金谷酒欲泛剡溪船把臂猶嫌晚彈冠愧未前
探驪寧有得附驥倘能傳

西湖志卷之三十五